



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Libertates indultae Monasterio à sede apostolica.

urn:nbn:de:hbz:466:1-13591

præjudicet veritati. Vniuersitati vestræ presentium auctoritate & in figura iudicij finaliter sententiam, quod omnes possessiones tam cultæ quàm incultæ collatæ Ecclesiæ sanctæ *Margaretæ* in *Osterhouen*, à *Chunrado* de *Horbach*. & à progenitoribus suis sunt sine jure aduocatiæ, nisi vnicus filius eius *Chunr.* velit ipsas defendere, habito respectu æternæ retributionis, & sine omni honore & onere jure aduocationis. Testes autem nostræ sententiæ sunt Comes *Heinr.* & *Chunr.* de *Mosburch*, Comes *Albertus* de *Pogen*, & *Otto* Comes de *Grünenpach*, & *Hoboldus* de *Nidekke*, *Heinricus* de *Lapide* *Chunr.* de *Hobennels*, & *Chunr.* filius ejusdem. *Leutoldus* de *Auwe*, & filij eius *Vlr.* & *Ludovicus* & alij quam plures. Acta sunt hæc *Lantzbur.* Anno gratiæ M. CC. XXIX. Datum *Kln.* Martij.

Libertates indultæ Monasterio à sede apostolica.

Gregorius IX. Episcopus Seruus Seruorum Dei. Dilectis filiis *Heinrico* Præposito in *Osterhouen* sanctæ *Margaretæ*, ejusq; fratrib. tam presentibus quàm futuris regularem vitam professis in perpetuum. Quotiens à nobis petitur quod religioni & honestati conuenire dinoscitur, animo nos decet libenti concedere ac petentium desiderio congruum suffragium impertiri. Ea propter dilecti in Domino filij, vestris justis postulationibus clementer annuimus, & Ecclesiam, *S. Marg.* in *Osterhouen*, in qua diuino estis obsequio mancipati, sub B. Petri & nostra protectione suscipimus, & presentis scripti priuilegio communimus. In primis siquidem statuentes, vt ordo Canonicus, qui secundum Deum & beati Augustini regulam in eod. loco institutus esse dinoscitur, perpetuus ibidem inuolabiliter obseruetur. Præterea quasq; possessiones, quæcunq; bona ead. Ecclesia in presentiarum justè ac canonicè possideat aut in futurum concessione Pontificum, largitione Regum vel Principum, oblatione fidelium seu aliis justis modis præstante Domino poterit adipisci, firma vobis vestrisq; successoribus & illibata permaneant. In quibus hæc propriis duximus exprimenda vocabulis. Locum in quo præfata Ecclesia sita est cum omnibus pertinentiis suis ac filiabus suis, de *Poding*, *Mulheim*, *Chassen*, & decimis earundem, & alias possessiones in pratis, vineis, terris, nemoribus, vsuagis, pascuis, in bosco & in plano, in aquis & molendinis, in viis & semitis, & in omnibus aliis libertatibus & immunitatibus suis. Sanè noualium vestrorum quæ propriis manibus aut sumptibus colitis, vel de nutrimentis animalium vestrorum, nullus à vobis decimas exigere vel extorquere præsumat. Liceat quoq; vobis clericos vel laicos, liberos & absolutos è seculo fugientes ad conuersionem recipere, ac eos absq; contradictione aliqua retinere. Cum autè generale interdictum terræ fuerit, liceat vobis clausis januis excommunicatis & interdictis exclusis, non pulsatis campanis subpressa voce diuina officia celebrare, dummodo causam non dederitis interdictio. Prohibemus insuper vt nulli fratrum vestrorum, post factam in vestra Ecclesia professionem, fas sit sine sui Præpositi licentia de eodem loco, nisi arctioris religionis obtentu discedere, discedentem verò, absque communi literarum vestrarum cautione nullus audeat retinere. Chrisma verò, oleum sanctum, consecrationes altarium seu basilicarum, ordinationes clericorum, qui ad sacros ordines fuerint promouendi, à Dyocæsano suscipietis Episcopo, siquidem Catholicus fuerit, & gratiam & communionem sanctæ Romanæ sedis habuerit, & ea vobis voluerit sine prauitate aliqua exhibere. Prohibemus insuper vt infra fines parochiæ vestræ, nullus sine assensu Dyocæsani & vestro Capellam seu oratorium construere audeat saluis Priuilegiis Pontificum Romanorum. Sepulturam quoque ipsius loci liberam esse decreuimus, vt eorum deuotioni, & extremæ voluntati, qui se illic sepeliri deliberauerint placuerit, nisi fortè excommunicati vel

vel interdicti sint, aut etiam publicè vsurarij, nullus obsistat, salua tamen iustitia illarum Ecclesiarum à quibus mortuorum corpora assumuntur. Decimas verò ad jus Ecclesiarum vestrarum spectantes quæ à laicis detinentur redimendi & legitimè liberandi, de manibus eorum, & ad Ecclesias ad quas pertinent reuocandi, libera sit vobis de nostra auctoritate facultas. Obeunte verò te nunc ejusdem loci Præposito vel tuorum quolibet successorum, nullus ibi qualibet surreptionis astutia præponatur, nisi quem fratres communi consensu, vel fratrum pars majoris & sanioris consilij secundum Deum & beati *Augustini* regulam prouiderint eligendum. Paci quoque & tranquillitati vestræ paternè in posterum sollicitudine prouidere volentes, auctoritate apostolica prohibemus, vt infra chlausuras locorum seu grangiarum nullus rapinam vel furtum facere, ignem apponere, sanguinem fundere, hominem temerè capere vel interficere, seu violentiam audeat exercere. Præterea omnes libertates & immunitates à prædecessoribus nostris Romanis Pontificibus Ecclesiæ vestræ concessas, nec non libertates & exemptiones secularium exactionum à Regibus & Principibus, vel aliis fidelibus rationabiliter vobis indultas, auctoritate apostolica confirmamus & præsentis scripti priuilegio communimus. Decreuimus verò vt nulli liceat omninò hominum præfatam Ecclesiam temerè perturbare, aut eius possessiones auferre, aut ablatas retinere, minuere, vel quibuslibet vexationibus fatigare, sed omnia integra conseruentur eorum pro quorum gubernatione ac sustentatione concessa sunt vsibus omnimodis profutura, salua sedis apostolicæ auctoritate & Diocæsani Episcopi Canonica iustitia. Si quæ igitur in futurum ecclesiastica secularisue persona hanc nostræ constitutionis paginam sciens contra eam temere venire temptauerit, secundo tertioque commonitus, nisi reatum suum congrua satisfactione correxerit, potestatis honorisque sui careat dignitate, reamque se diuino officio existere de perpetrata iniquitate cognoscat, & à sacratissimo corpore & sanguine Domini nostri Iesu Christi aliena fiat, atque in extremo examine districtè subiaceat ultioni. Cunctis autem eidem loco sua iura seruantibus sit pax Domini nostri Iesu Christi, quatenus hic & fructum bonæ actionis & apud districtum iudicem præmia æternæ pacis inueniant Amen. Dat. *Lat.* Kln. April. Indictione II. Anno Domini M. CCC. XXX. Pont. Domini *Greg.* P. P. anno IV.

Quod Prælati est summus Capellanus Ducis, & de decima *Straubing & Ellenpach.*

In nomine Patris & Filij & Spiritus sancti. *Otto* Dei gratia Palatinus Comes *Reni* & Dux *Bavvaria*. Vniuersis præsentem paginam inspecturis salutem. Sicut vinculo naturali filius heres pro debito patris intelligitur esse obligatus, ita videtur pater soluere si filius pro eo fecerit solutionem. Hinc est quod nos vniuersitati vestræ patere volumus & constare, quod respectu æternæ mercedis, & pro eo quod Dominus *Heinr.* sanctæ *Margar.* in *Osterbouen* Præpositus nostro patri suis in necessitatibus cum personæ periculo & dispendio rerum seruitia multiplicia exhibuit fideliter & deuotè prædictam Ecclesiam ea prærogatiua volumus perpetuo gaudere & honore, vt vbicunque locorum fuerimus, qui pro tempore in eadem Ecclesia Præpositus fuerit, omnium Prælatorum, Capellanos, & Clericorum ipse primus existat & major, & in præsentia nostra faciat alij, qui fretus sua auctoritate impleat, quod ei ab ipso fuerit ordinatum & iunctum. Præterea volumus vt tempore nostræ refectionis propter præsentiam aliquorum Prælatorum cuiuscunque professionis fuerint locum quem ei assignamus